

Quando comes Rogerius naturae concessit.

CAP. CLXXIX.

Demum anno sequenti MCCXXV comes Rogerius filius comitis Guidonis Guerrae, apud monasterium Sancti Benedicti de Monte Cassino, ab Imperatore de Apulea rediens, naturae concessit, et juxta dominum Guillelmum regem Apulie, et dominum Tancredum regem eum honorifice in marmoreo sarcofago cum eis sepelierunt.

Quando Faventini renovaverunt iuramenta Societatis Lombardie.

CAP. CLXXX.

Anno Domini MCCXXVI omnes fere Lombardi contra Imperatorem coniuravere, se invicem iuvaturos [a], dummodo Imperator vel eius nuncius aliquem vellet pertractare iniuste (104).

Quando imperator Fredericus venit Ravennam et ivit in Lombardiam apud Parmam.

CAP. CLXXXI.

Sub anno a Virginis partu MCCXXVI dominus imperator Fredericus, de Apulea rediens, in civitate Ravennae per v^a resedit hebdomadas [b]; ad quem multi de Italia convenerunt principes, inter quos aderant [c] et nostri comites atque comitatini [d], in destructionem suae matris super omnia sistentes. Teutonicorum vero, Apuleorum, Marchianorum et Urbinatum ingens affuit multitudo. Rainerius de Carpigna cum sua fortia, Rainerius de Ravaldino cum sua fortia, Ariminenses cum toto eorum comitatu integriter [e], Bonus comes [f] cum sua fortia, licet invitus [g], Ravennates integriter cum toto eorum districtu, cum castellanis et hominibus archiepiscopi, Cervienses cum eorum episcopatu, Livienses cum eorum episcopatu, licet inviti [h], Forumpopilienses cum Bretenor^{ensibus} et toto eorum comitatu, Csesenates cum toto eorum episcopatu, super omnia ad mortem dolentes, Saxenates integriter cum toto eorum episcopatu, comes Guido Guerra, comites Castricarii cum eorum districtu, Galiatenses cum sua fortia, Rochi et Raibi [i] cum eorum fortia, comites Malvicini

[a] invicem iuvaturos, Sic Codd. — [b] per v resedit hebdomadas, C. M.; per iv resedit hebdomadas, C. V. — [c] inter quos aderant. Sic lego; inter quos adherant, C. M. — [d] atque comitatini. Sic lego, et sic C. M.; atque comitatus, C. V. — [e] comitatu integriter. Sic legit cl. Mitt. In Codd. M. et V., comitatu regt. An legendum regentes? — [f] Bonus comes, Cl. Mitt. Codd., habent: Bonus comes comes. — [g] licet invitus. Sic lego. Codd., licet invictus. — [h] licet inviti. Sic lego. Codd., licet invicti. — [i] Rochi et Raibi. Rochi et Balbi corrigit Codd. cl. Mitt.